



حركة التحرير الوطني الفلسطيني - فتح
إقليم استراليا



تمرّة رمضان

العدد رقم 22

سمبوسك باللحمة

يصنف هذا الطبق من المعجنات .
مكوناته الأساسية : (العجينة :
طحين + زيت + ماء + ملح)
(الحشوة : لحم ضان + بصل +
بهارات + بقونس + زيت) +
زيت للقلي



الماء الطلّ

وهو مطر ضعيف، وقد يسمى الندى طلاً. ورد ذكره معاً في آية واحدة هي قوله تعالى في سورة البقرة آية رقم 265 بسم الله الرحمن الرحيم: (ومثل الذين ينفقون أموالهم ابتغاء مرضاة الله وتثبيتاً من عند أنفسهم كمثل جنة بربوة أصابها وابل فأتت أكلها ضعفين، فإن لم يصبها وابل فطلّ، والله بما تعملون بصير) صدق الله العظيم

البَرَاد

يصنف هذا المشروب من المثلجات . مكوناته الأساسية :
ماء + سكر + روح البرّاد + صبغة لون (أصفر أو برتقالي) + ليمون + نشا + حليب .





حركة التحرير الوطني الفلسطيني - فتح
إقليم استراليا



حكاوي ستي

جكر

آه يا تيتا كل هاظا الحكي صحيح بس خليه بيني وبينك لأنه أنا ما بدي أرد على أخوي هيذ بشوف حاله علي وبفكر حاله فهمان وبحللي مشاكلي وأنا بعرف إنه حكيه صحيح بس مش معنى هيذ إنه فهمان أكثر مني، بتعرفي مرات بتيجي مع العميان طابات وهو إللي بلش أصلاً دايماً بيجي يشاورني وأنا بقعد أفكر لحد ما ألاقي فكرة وهو يقتنع فيها يقوم هو يعملها بس عمره بحياته كلها ما كال أنه حليلة هي صاحبة الحل وإنه الفكرة فكرتها، بذك هسعيات على البارد المستريح أخلني إمي وأبوي يصدقوا إنه ابنهم فهمان وقاعد بساعد أخته ما فشرت عينه والله لو إيش ما صار ما بحط إله واطي وهو إللي بلش وهلقيت قاعد بحكي لا تنسي تقولي هذي فكرتي وإني ساعدتك على حلها.

يعني يا ستي شغلتنك إنتي وأخوكي كلها جكر بجكر لا هو بعاند فيكي ولا إنتي بتريش على شوره بس لو تعرفي إنه الجكر بخلني النهر حجر وبسخط الفهمان ليصير عدمان، وأنا بقول لك عاندي ولا تجاكري يعني إشي منه، شو رايك تحكي مع أخوكي إللي بقلبك، أه قولي له كلامك صحيح وشورك فادني والله يديم النور بعقلك بس حابه أذكرك إني بالزمانات ساعدتك وأعطيتك أفكارني بلا شرط ولا ربط لا أمي عرفت ولا أبوي يدري إنها أفكارني وهسعيات أنت بترد لي وحدة من وحدات فخليها تنظم بالبير ولا حدا يدري إنك ساعدتني ولا يحزنون، هيذ لما بذك إياتي بتلاقتني ولما أعتازك بشورك بس هون حفرنا وهون طمينا لا عنب سرقنا ولا ناطور قاتلنا بس صحنا مليون عنب إجا لحاله ما حدا جابه. بس يا ستي يمكن ما يقبل ويقوم يطلعني زغيرة بعين إمي وأبوي؟ وبعديها ينفش ريشه ويصير يقول يا أرض هذي ما حدا قدي؟ ببقى حمار معني بشوال وبستاهل تجاكريه وما تردي عليه وإنك اتضلي بلا حل أحسن ما حدا يركب فوق ظهرك وإللي ناوي يخليكي زغيرة لا تسكتي له يمكن تخسري شوي بس بتكسبي بكرة وبصير معنى للجكر.



ليش بالمسلسلات مافي احد
بيعطس؟

الموضوع يستحق التأمل..





حركة التحرير الوطني الفلسطيني - فتح
إقليم استراليا



خرافية

قريع وحصانه

مختار وشغلته المختره بس ماله اولاد ويا حيف على إللي الله أعطاه الجاه وحرمه من خلفه، إتزوج من سبع حمايل بس ضله بخته مايل وقالوا لا بحيل ولا ببسط النسوان ودار من دار البلاد إشي يقول له هاظا الدوا بنفع وإشي يقول له بذك تدفع وضلوا حايبص لايبص لحد ما وصل لعند الصياده وقالوا عنّا بنت بتحب من بوسة وبدها عريس يركبها على الكورسة قام راح وتاجر إليها كورسة بسيت خيولة مبركعة وكرسيتها خشب ملبوس بالمحار والقروش قعدت ولف فيها داير من دارك يا يافا ورقصوا الصياده وغنوا للمختار ودخل على عروسته وباسها ونام، روح يا يوم وتاع يا يوم وإلا المرا حبلت وقالت لجوزها: من يوم ما ولدتني إمي قالت لي: إذا خلفتي متي وأنا هياتني حبله وتا ألد رح أموت لايدي مال ولا جاه بس زورني الأقصى وخليني أصلي فيه ثلاث ليالي أخذها جوزها على القدس وصلت تا قالت خلص بدنا نرجع على البلد ولما وصلت خلّفت ولد وهبي ماتت.

المختار فرح بالولد وقال بدي حدا يرربي هالولد وراح اتزوج بنت عمه ما هي بايرة وفش حدا راضي فيها، وصارت تربي بالولد تا كبير وصار شب وأبوه شراله حصان صقلاوي وصار يتغوى فيه حتى بسوق عكا كان شكله مثل الباشوات. بس الباييرة لما تتزوج بضل نفسها بالولد ومهما أخذت عز ودلال ما بيجيها دلال زي لما تكون إم الأولاد قام راحت لعند العطارين والدراوشة وتجرب قد ما تجرب ولا إشي زابط وبالأخير لا زوجها معروف إنه بخلف ولا الباييرة بتيجب ولاد، ومرة قالت إليها إمها شو بذك بالخلفة خلي خير زوجك أهله طفشي الولد وإخوانك بعزوكي بعد موت زوجك هاظا ابن يافاوية رح يبيع البلد ويرجع لإخواله الصياده، قام رميت حالها بالفرشة وإمها بعنت الداية تا داويها قام الداية قالت للمختار مرتك مريضة ودواها قلب حصان صقلاوي وإذا مش مصدقني إسأل كل العطاره، أتاري حماة المختار عاملة عمل لبنتها وما بنفك إلا إذا إنذبح لحصان والقصد إللي بحب لحصان. راح المختار يفتش عن حصان صقلاوي وهات يلاقي ماهي حرب القرم ولعت وما ضل لا حصان ولا بغل كله أخذه الجيش العسلمي وفش حدا راضي يبيع حصانه راح على ابنه وقال له لما تخلص الحرب ويرجع الأحصنة بجيب لك أحسن منه، الولد قال لأبوه أعطيني ليلة ويومين وأنا بعدينش بعطيك لحصان، راح الولد طيار على مغارة الختير إللي قاعد عابد بجبل الكرمل كانن قال له: هيذ وهيذ صار وإيش بقول لك ربي أنا حاضر بس شغلة من خاطر ما معي إلا يوم وليلة، قال له الختير بذك تصلي بالأقصى وإنت لايس قرعة وهي القرعة كرشة ذيب ماكل بنت باشا والعالم بتدور عليه تا تذبحه وإذا أخذت راس الذيب لمروى البدوية رح تفك السحر عن مرت أبوك وتحمي حصانك من الموت، قاله الولد طيب أنا كيف بدي أعرف وين هاظا الذيب رد عليه الختير مخبي بالقدس وإللي مخبيه بده صرة فيها مية مجيدية ذهب إعطيه إياهن وهو بعطيك القرعة ولما تصلي بالأقصى ليلة كاملة بعطيك راس الذيب وبدلك على مروى البدوية، راح الولد وعمل كل إللي قال له عليه ختير الكرمل، رجع على بلده ولاقى مرت أبوه ماشية بالحارة ولا كأنها كانت مريضة مواتة، راح على أبوه وقال له يابا هيذ وهيذ صار معي يا بترضي ولاد عمك يا إمن أنا رح أظل حاظط القرعة فوق راسي حتى ما حدا يعملني عمل ويأذيني قام أبوه قال له ضلك قريع طول عمرك شر الناس عمره ما بخلص.





حركة التحرير الوطني الفلسطيني - فتح
إقليم استراليا




صدر حديثاً

كتاب أنطون سعادة حياة وفكر ونضال.

المؤلف : الكاتب سعادة ارشيد.

صدر الكتاب عن دار الرعاة للنشر. وتناول الكتاب حياة المفكر العربي السوري أنطون سعادة ونضالاته ونشاطاته المختلفة، على الأصدعة الوطنية والسياسية والثقافية، وتأسيس الحزب السوري القومي الاجتماعي، والتحديات التي واجهها، وتناول أيضاً منطلقاته الفكرية ومواقفه الأساسية.



فراشات فلسطين

الاسم العلمي

Borbo Borbonica

بوربو بوربونيك

